

Вөрүд стрөг

- ичөтик висьт-

Öти арся лунö, кор ме ичөтджык на вöлі, ар сизима кымын, ми батькөд ветлім **Пасаö** (*тадз местаыс шусьö*) пув вотны. Көкъямыс километр машинаөн мунөм бöрын заводитчис лёкиник, няйт гураньяса, туй. Ковмис батькөд нопьяснымөс босьтны да водзö сэсса подөн мунны. Недыр кад мысти воим Вöль ю дорөдз. Батьöй перйис нопсьыс резина пыж да заводитис пöльтны сійөс. Ме, дерт, отсаси жö. Недыр мысти пыжыс пöльтчис. Ме öдйөкодь пукси пыжас, а батьöй пелысөн берегсянь йөткыштчис. Юсö вуджигөн ме чуйми, кыдзи сөстөм ваын уялөсны быдсяма черияс. Вöль юлөн мөдар берегас воём бöрын мөдим сэсса вөрса видз бокті. Кутшөмкө кад мысти воим вөр керкаөдз. Сэтчө пыртөдз батьöй гольөдчыштіс өдзөсас. Вомгорулас шуис: «Тук-тук, керка! Воим тай, керка-матушкаöй. Шойччыштам тані. Бурьыс лэдз». Пыр жö ломтім пач. Бур, мый кос пескыд вөр керкаад, майбыр, век эм. Абу на став йөзыс ловнас дуркмөмаөсь, прамöй «вөрсаesyд» эмөсь на. Миянөдз волысьяс тай кос пессö кольөмаөсь-а.. Төдөны, буракө, мый и на бöрын на кодкө локтас татчө шойччыштны-шонтысьыштны.

Пач ломтөм бöрын ме тэрмасьтөг босьтчи перьявны нопйысь сёян да мукөд шылльö-мыльö, тэчны ставсö ящикö. Ывлаыс вочасөн кутис рөмдыны, а батьлөн вöлі пусьöма нин шыд. Ми пуксим сёйны. Ок и чөскыд жö вöлі шыдыс! Öнөдз дульöй петö. Дзикөдз пемдөм бöрын сэсса водім узыны. А бать кутис казътывлыны, кыдз ичөтдырйиыс на волывлөма татчө аслас батыскөд, менам пöлькөд. Быдсяма шензьөданаторйыс пö вöрад овлө! Пöльöй унатор йылысь висьтавлөма батылы: вөрсаesyс, васаяс да мукөдтор йылысь. А öні со бать нин мен висьтавлө!

Вөр керкаад, чөскыд вөрса дукнад лолалөм бöрад, зэв кокниа узьсьö. Ме пыр и ланьті, весиг батылысь сёрнисö помөдз эг удит кывзыны.

Асывнас палялі лэбачьяслён гажаа сильгём-дзользьёмысь. Лэччи мыссыштны вөрса шор дорё. Сэні вёлі сёдз югыд ва, тыдалісны быдсямапёлёс изьяс. Пётмён мыссьём бёрын, вежөр пальёдём бёрын, котөрөн кайи вөр керкалань. Батьёй вёлі шонтёма нин шыд. Удитё тай, меысь ёна водз чеччө. Нурьясьыштём бёрын ми сэся долыдырысь вөрзьёдчим нюрлань: колё вёлі пув вотыштны. Неылё муныштём бёрын тыдовтчис пувья места. Ок и уна пувйыс! Кык час мысти нин миян батькөд дозмукьясным тырисны. Бөр ковмис мунны шоньд вөр керкалань.

... А сэся мөд луннас бара на воддза местаад ветлім. Но пувйыд эз нин вөв (кодьяскө миян бёрын удитёмаось вотны). Мунім нюр саяс. Батьёй шуис, мый нюр саяс меститчёма пувья яг. Нюр дорё матыстчём бёрын медпервой батьёй видзөдліс, ёна-ө васөд нюрыс. Сэся шуис: «Вуджам». Ме - бать бөрся. Но ылалі мырпом вылө. Öти вотөс вомө суйи, мөдөс...Бать ылыстчис нин. И сэк ме бузгыси нюрас. Коскөдз вөйи. Батьлы горза: «Батьё, отсав!». Бледөдём чужөмөн бать уськөдчис ме дорё да кысыкыштіс ва гурансьыс. И стрөга шуис: «Вөрад некор ловнад эн личөдчы! Быд здук дасьөн ло! Вөрыд - стрөг ! Кыяс. И - виас, ковмас кө».

Батьлысь кывьяссө ме өнөдз помнита.